

ШИНЖЛЭХ УХААН, ТЕХНОЛОГИЙН ИХ СУРГУУЛЬД СУРАЛЦАХ ГЭРЭЭ

2024 оны сарын өдөр

Улаанбаатар хот

Нэг. Нийтлэг үндэслэл

- 1.1 Суралцах гэрээг нэг талаас Шинжлэх ухаан, технологийн их сургуулийн харьяа Өмнөговь аймаг дахь Технологийн дээд сургуулийг төлөөлж захирал Баатарцэнд овогтой Баяржаахлан /цаашид сургууль гэх/ нөгөө талаас суралцагчовогтой /цаашид суралцагч гэх/ нар харилцан тохирч Монгол Улсын Иргэний хууль, Боловсролын ерөнхий хууль, Дээд боловсролын тухай хууль, ШУТИС-ийн дүрэм болон бусад холбогдох хууль, дүрэм, журмыг үндэслэн байгуулав.
- 1.2 Энэ гэрээгээр сургууль, суралцагчийн хоорондын харилцааг зохицуулах ба талууд эрх, үүргийг адил хүлээнэ.
- 1.3 ШУТИС-д элсэх болзлыг хангасан (эцэг/эх-ийн нэр)-ын-г тус сургуулийн бакалаврын сургалтадхөтөлбөрөөр суралцуулахаар тохиролцов.
- 1.4 Гэрээний нийт хугацаа 5 /таван/ хичээлийн жил байх бөгөөд сургуулийн үйл ажиллагаанаас үл хамаарах шалтгаан (суралцагч жилийн чөлөө авах, цуглуулах багц цагийн гүйцэтгэл биелээгүй, үнэлгээний голч дүн хангалтгүй байх болон бусад)-аар гэрээний хугацаа сунгагдаж болно.

Хоёр. Сургуулийн хүлээх үүрэг

- 2.1 Бакалаврын түвшний батлагдсан хөтөлбөрийн дагуу сургалтын үйл ажиллагааг цахим, танхим, хосолсон хэлбэрээр зохион байгуулж дээд боловсрол олгох, мэргэжил эзэмшүүлэх, төгссөн суралцагчид боловсролын зэрэг, дээд боловсролын диплом, энгэрийн тэмдэг олгох;
- 2.2 Сургалт явуулахад шаардлагатай эрүүл, аюулгүй, хүртээмжтэй орчин (хичээлийн байр, спорт заал, номын сан, анги, танхим, лаборатори, тоног төхөөрөмж, багаж хэрэгсэл, бусад хэрэглэгдэхүүн)-ыг бүрдүүлж үндсэн үйлчилгээг үнэ төлбөргүй үзүүлэх;
- 2.3 Суралцагчийн суралцах үйлийг дэмжиж зөвлөн туслах, хувь хүний хөгжилд чиглэсэн спорт, урлаг, олон нийтийн үйл ажиллагааг зохион байгуулж хамруулах;
- 2.4 Суралцагч ШУТИС-ийн дүрэм, холбогдох бусад эрх зүйн баримт бичгүүдтэй танилцах, сургалтын цахим системүүдэд хандах, үйлчлүүлэх боломжийг бүрдүүлэх;
- 2.5 Зохих болзлыг хангасан суралцагчийг холбогдох журмын дагуу зээл, тусламж, тэтгэлэгт хамруулах;
- 2.6 Суралцагчаас гаргасан хүсэлт, санал, гомдлыг шийдвэрлэх.

Гурав. Сургуулийн эрх

- 3.1 Хууль тогтоомжоор зөвшөөрөгдөх түвшинд суралцагчийн хувийн мэдээллийг цуглуулах, боловсруулах, ашиглах;
- 3.2 Суралцагчийн суралцах үйлд хяналт тавих, эзэмшсэн мэдлэг, чадвар, хандлага төлөвшилийн хүрсэн түвшинд үнэлгээ хийх, тухайн улиралд судлах хичээл, багц цагийн хэмжээг тогтоох;
- 3.3 ШУТИС-ийн Удирдах зөвлөлийн тогтоолоор баталгаажсан тухайн хичээлийн жилийн сургалтын төлбөрийн нэг багц цагийн үнэлгээг баримтлан сургалтын төлбөрөө төлөхийг шаардах, сургалтын төлбөрөө хугацаанд нь төлөөгүй тохиолдолд хичээл сонголт хийлгэхгүй байх;
- 3.4 Сургалтын төлбөрийн болон бусад төлбөр тооцоо сургуульд үүсгэж, нэхэмжилсэн хугацаанд авлагыг барагдуулаагүй тохиолдолд асуудлыг хуулийн байгууллагаар шийдвэрлүүлэх;

Дөрөв. Суралцагчийн хүлээх үүрэг

- 4.1 ШУТИС-ийн сургалтын үйл ажиллагааг зохицуулах дүрэм, журмыг мөрдөх, "Сургалтын нэгдсэн хуанли"-ийн дагуу суралцах үйл ажиллагаагаа төлөвлөж, хэрэгжүүлэх, сургалтын хөтөлбөрийн хичээлийн агуулгыг бүрэн эзэмших, бие даан суралцах;
- 4.2 Хичээл сонголт-2 хийхийн өмнө сургалтын төлбөрөө бүрэн төлөх;
- 4.3 ШУТИС-ийн дүрэм болон бусад үйл ажиллагааг зохицуулах дүрэм, журмуудыг мөрдөх сургууль, багш, ажилтнаас тавьсан шаардлага, өгсөн үүрэг даалгаврыг биелүүлэх,;

- 4.4 Суралцагч хуулиар зөвшөөрөгдсөн хувийн мэдээллээ удирдлага мэдээллийн UNIMIS системд бүрэн бүртгэх, оршин суугаа хаяг, утасны дугаар зэрэг мэдээлэлд өөрчлөлт орсон тохиолдолд тухай бүрд нь шинэчлэх;
- 4.5 Суралцагч нь суралцах хугацаандаа Европын олон хэлний стандарт (CEFR)-ын англи хэлний эзэмшвэл зохих B1 түвшний болзлыг хангасан байх;
- 4.6 Бусдын ялгаатай байдлыг хүлээн зөвшөөрч, хүний эрх, эрх чөлөөг дээдэлж, ялгаварлан гадуурхах, дарамтлах, доромжлох, нэр төр, алдар хүндийг нь гутаах үйлдэл гаргахгүй байх, сургуулийн нэр хүндэд үндэслэлгүй, хууль бусаар халдахгүй байх;
- 4.7 Боловсрол шинжлэх ухаан, Эрүүл мэндийн Сайдын 2023 оны А/273, А/314 тоот хамтарсан тушаалын дагуу эрүүл мэндийн даатгалаа заавал төлөх, үзлэг, шинжилгээнд хамрагдах;
- 4.8 Хуульд заасан бусад үүргүүд

Тав. Суралцагчийн эрх

- 5.1 Суралцах орчин, нөхцөл бололцоогоор хангуулах, сонгосон үндсэн сургалтын хөтөлбөрөөс гадна хавсарга хөтөлбөрөөр суралцах, давхар мэргэжил эзэмших, нээлттэй сонгон болон ахисан түвшний хөтөлбөрөөс нэмэлтээр хичээл судлах, хичээл заах багшийг сонгох;
- 5.2 Чадамжаа үнэлүүлэх, хүлээн зөвшөөрүүлэх, дүйцүүлэх, баталгаажуулах, гадаад, дотоодын их дээд сургуульд шилжин суралцах;
- 5.3 Сургалтын чанар, сургууль, багш, ажилтны үйл ажиллагаатай холбоотой санал, гомдол, хүсэлт гаргах, зүй ёсны шаардлага тавих, шийдвэрлүүлэх;
- 5.4 Хууль тогтоомж, холбогдох журамд заасны дагуу сургалтын төлбөрийн зээл, тэтгэлэг, хөнгөлөлтөд хамрагдах;
- 5.5 Сургуулиас зохион байгуулж буй эрдэм шинжилгээ, судалгаа инновац, урлаг, спорт, олон нийтийн бүх үйл ажиллагаанд хамрагдах, оролцох;
- 5.6 Хуульд заасан бусад эрхүүд

Зургаа. Гэрээ цуцлах болон дуусгавар болгох

- 6.1 Дараах нөхцөлд энэхүү гэрээг аль нэг талын санаачилгаар цуцална. Үүнд:
 - 6.1.1 Суралцагчийн санаачилгаар (суралцагч гэрээ цуцлах өргөдлөө бичгээр гарган, "тойрох хуудас"-аа бүрэн зуруулж, сургуулийн нягтлан бодогч "тооцоогүй" болохыг эцэслэн баталгаажуулсан тохиолдолд);
 - 6.1.2 Сургуулийн санаачилгаар (ШУТИС-ийн дүрэм, журмыг зөрчсөн, "Бакалаврын сургалтын үйл ажиллагааг зохицуулах журам"-д зааснаар суралцагчийн нэр "Анхааруулгын хуудас"-д 3 улирал дараалан бичигдсэн, сургалтын үйл явцыг орхиж 3-аас дээш улирал "сураггүй" болсон, сургалтын төлбөрөө хугацаанд нь төлөөгүйгээс өр авлага үүссэн зэрэг шалтгаанаар суралцах гэрээг цуцлах тухай бүрэлдэхүүн сургуулийн захирлын тушаал гарсан тохиолдолд)
- 6.2 Талуудын хооронд байгуулагдсан гэрээний заалт бүрэн хэрэгжиж, гэрээний хугацаа дууссанаар гэрээ дуусгавар болно.

Долоо. Маргаан шийдвэрлэх

- 7.1 Гэрээнээс үүдэлтэй аливаа маргааныг талууд баримт нотолгоо, учир шалтгаанд үндэслэн шийдвэрлэхийг эрмэлзэх ба зөвшилцөлд хүрч чадаагүй тохиолдолд хуулийн байгууллагаар шийдвэрлүүлнэ.

Найм. Бусад зүйл

- 8.1 Энэхүү гэрээг хоёр тал гарын үсэг зурж, сургуулийн тамга дарж баталгаажуулснаар хүчин төгөлдөр болно.
- 8.2 Сургууль, суралцагчийн аль нэг нь гэрээг цуцлах санал тавиагүй бол уг гэрээг хүчинтэйд тооцно.
- 8.3 Гэрээг 2 хувь үйлдэж, талууд тус бүр нэг хувийг хадгална.

Гэрээ байгуулсан:

ШУТИС-ийг төлөөлж
Өмнөговь аймаг дахь Технологийн
дээд сургуулийн захирал
Б.Баяржавхлан /...../
/нэр/ /гарын үсэг/

Суралцагч:

.....
/нэр/ /гарын үсэг/